

孤
本

孝經貫註

肆

廣陵書社

明·瞿罕著

(明) 瞿 罕 撰

孝經貫注
第四品

廣陵書社

中國·揚州

孝經貫註卷之十三下

皇明

江漢

臣瞿罕貫註

知宜興縣事臣石確增刪

事親者居上不驕

上文起云孝子之事親結以然後能事親又接云
事親者分明承上致敬致嚴說又照下不亂不爭
說也驕者氣之盈也驕則恃已凌物肆志輕世必
至于放恣無藝弑父與君矣夫子云驕斯亂
貢云驕近亂左傳是也驕則自矜其能自伐其功勢

坊子記

必至與人爭能與人爭功矣是亂又起于爭爭又起于驕也爲天子者苟能法堯之允恭舜之溫恭禹之祗台湯之聖敬收斂身心如臨深淵以保其身如見大賓以馭其臣如承大祭以臨其民則斂翼爲主其氣自不因貴而盈其意自不隨富而滿雖有若無何驕之有至于卿大夫士日夕臨履惟恐上負主恩庶人日夕冰兢惟恐下罹國憲亦自不至於驕矣

居上不驕是矣何以屬事親者曰事親則我爲子

及居上我又爲人之父矣罕嘗想之有驕子而無
驕父何者子乃父所自生原聯爲一不分爲二我
之所有卽子之有也見其子才能德善稍不如我
我正惻然矜之尚忍以所能驕其子乎君視臣下
猶父視子也大君所有孰非天下之有倘其臣有
不能者民有無告者上方憫惻之不遑尚忍以上
之才能驕其臣下乎况人主之貴自其誕生時儲
位已定非前是側陋而今始登庸者自不忍以其
貴驕人主之富自其繼統時已幅幘萬國非向止

感國百里而今初拓地開疆者自不忍以富驕矣
或者謂祖宗不足法以驕其祖宗乎設欲以德澤
驕祖宗則陰善隱德既不能駕累世以另胚胎若
欲以法度驕祖宗則樂備禮明終不能作聰明以
亂成憲况祖宗之有猶我之有也以我而驕祖宗
是以我而驕我也以我驕我不惟無所用其驕亦
何所置其驕乎故居上者推敬親之心法祖自不
至驕其祖宗推子孝之念子民亦不至驕其臣下
也

孔子論從政在歷叙堯舜之後是從帝王蒞政也
其政之五美一曰泰而不驕可見驕與泰異及曾
子論平治又云大道以驕泰失又似泰與驕同而
並以驕不驕歸君子則君子正居上者其位是帝
王其德是聖賢也夷考古人堯克明峻德親睦九
族正事親者及其居上却富而不驕大戴禮舜克諧
以孝化弟驕慢正事親者及其居上却又有天下
而不與夫被袵衣鼓琴二女裸已貴爲天子矣而
猶然與飯糗茹草無異則是囂然無欲若天下初

無與于我我初無與于天下并不驕二字都贊舜
不着矣禹幹父之讐祀鯀配天正事親者及其居
上不矜不伐不自滿假夫天之曆數在躬已陟爲
元后矣而猶然卑宮室菲飲食惡衣服與常人無
異則是囂然無欲若天下初無與於我我初無與
于天下并不驕二字都贊禹不着矣唐太宗佐父
平定天下亦事親者卽位之後每謂侍臣朕有二
喜尤有一懼一懼者治安則驕侈易生驕侈則危
亡立至也後遣吳王恪等都督諸州但賜書戒不

遺珍玩恐其益諸子驕奢也其後魏公啓事勸其
處高危當思謙降臨滿盈當思抑損

唐書綱目

然其初

政正事親不驕者矣
我

太祖開創鴻業奉

父配

天正事親者卽位之

後諭宿衛武臣曰今曆數在躬何敢驕怠常恐政
事廢缺日慎一日若非犒賞百官自不敢設宴爲
樂也羣臣賀南郊甘露降更諭之曰凡人喜則侈
心易縱朕德不逮惟圖修省之不暇豈敢以此爲

已所致後爲諸王制麻屨出城稍達駢半則步恐
其益諸王驕惰也且親王冠禮戒之曰孝于君親
友于兄弟毋溢毋驕永保富貴旣而顧謂 太子
曰貴則必驕逸則忘勞夫貴而不驕逸而知勞斯
爲人上之道又曰能諳人情則不至驕惰今將士
中夜而起扈從至此皆未食汝可步歸庶諳勞逸
他日不至驕惰

實錄

莊誦

聖謨非但兢兢業業惟

恐其驕且并欲諸王以不驕事親矣

洪武初

上諭侍臣曰古之君臣盈滿嘗懼驕

縱兢兢業業日慎一日至承平之後舊臣多得罪者究其所以皆因驕貴之志曰淫古人置歌器于座側正以戒其驕耳汝等宜戒之又三年更諭羣臣曰元之季世臣下驕奢淫縱卒致失天下不可不戒十六年更謂侍臣曰無欲則無奢縱之患欲心一生則驕奢淫佚無所不至朕每念至此惕然于心故必身先節儉以訓于下

實錄

既而覽田子方

驕人之說更謂侍臣曰富貴者固不可驕人貧賤

者又豈可驕人哉驕凶德也富貴而驕人則不足

以得天下之士貧賤而驕人適足以取辱于已要
之君子當以恭敬爲本實錄莊誦聖謨非但兢兢
業業惟其驕且并欲羣臣以不驕自傲矣

何謂不驕曰凡誇能伐功謂之驕矜則有而弗恃
正是不驕凡增崇宮室謂之驕奢則茅茨土墍正
是不驕凡錦衣玉食謂之驕侈則菲食惡衣正是
不驕凡恒舞好游謂之驕樂則節游觀罷歌舞者
正是不驕凡內嬖多寵謂之驕淫則節女謁出宮
人者正是不驕凡不親庶政謂之驕怠則勤萬幾

親裁決者正是不驕凡傲其臣下謂之驕傲則敬
大臣禮羣臣者正是不驕凡南征北伐自以德威
加四夷謂之驕功則絕口言兵不勤遠略者正是
不驕凡東封西禪欲以治功告成于天謂之驕盈
則絕口封禪不求神仙者正是不驕

竊跡前事如大舜開心學之宗猶兢兢於好問成

湯發性學之傳猶納誨於自滿唐太宗手著晉書

蔚有文藻猶警戒於驕矜

貞觀政要

是不敢自驕其功

能也如堯之茅茨不剪禹之宮室獨卑殷周之堂

崇三尺度以九筵

通典

漢高當營建之初怒宮庫之

麗文帝惜十家之產罷露臺之營

漢書

是不敢驕奢

於土木也如禹之惡旨酒非飲食漢文帝身衣弋

綈足履革舄

漢書

光武之身衣大練色無重綵

循吏傳

宋太祖之葦簾緣布衣澣至再

通鑑

是不敢驕侈于

服食也如漢元帝出獵于甘泉聞薛廣德之言而

止明帝出畋於河內覽東平王之奏而還唐太宗

幸同州沙苑親格猛獸視魏徵之疏而深用爲戒

各臣奏議

是不敢驕樂於游觀也如黃帝之無搖爾精

成湯之不邇聲色唐太宗納鄭仁基女聞魏徵諫而止之憲宗納良家女聞李絳諫而還之文宗沒李孝本女聞魏謩諫而出之唐書是不敢驕淫於女謁也如堯舜之一日二日總理萬幾文王之自朝至昃不遑暇食引書光武每旦視朝直至日昃日中講論直至夜分漢書宋高宗自爲日課朝閣章奏夜讀尚書午後讀春秋史記名臣奏議是不敢驕怠于學政也如漢文帝敬申屠嘉則不敢私庇鄧通武帝敬汲黯則必肅衣冠而見集漢書唐太宗敬魏徵則

孝經貫註

卷十三下

七

懷中挾有死鷄

唐書

是不敢驕慢其臣下也如匈奴

不息漢文帝全元元而復與和親

兩漢書

高麗不貢

宋仁宗愛百姓而不忍加兵

宋史

是不敢宣威以驕

其四夷也如開皇之初羣臣請封禪而隋文帝不

許貞觀之初羣臣請封禪而唐太宗弗許後雖舉

行初頗非之

隋書唐書綱目

是不欲誇功炫德以驕其天

也

乾之九三是臣位所云在上位而不驕者乃居百

僚之上也終日乾乾夕猶惕若是以貴而下賤也

以貴下賤正是不驕孫叔敖爲楚相亦是居士者
觀其答鄒丘之封人自云吾三相楚而心愈卑位
滋高而禮愈恭此便是叔敖之不驕晏平仲爲
齊相亦是居上者觀其下交蘇晉上交吳翰久而
敬之雖御者之妻亦能知其意念自下此便是
晏子之不驕

孔子在父兄宗族中恂恂信實似不能言者是不
欲以才能先父兄非不敢以才能驕父兄也萬石
君徙居陵里其子慶爲丞相入里門輒趨史張湛